

皇清文穎續編

皇清文頴續編卷八十三

詩

七言律詩

恭和

御製出古北口卽事元韻

履端親王永城

天門詆蕩日華明  
四扇齊開萬隊行  
在德不須矜設險  
爲關豈必事多征  
含

恩邊戶紛紛拜望

幸山靈故故晴耕牧諸藩咸保塞何勞鎖鑰誦金城

恭和

御製題范祖禹帝學元韻

履端親王永琰

儒臣第一妙研殫仰契

皇心論不刊古鑑炯如著蔡奉陳編珍越鼎彝看數  
千年上窺精蘊三萬言中得肇端幸荷

綸音勤柴翰豹斑粗識愧童觀

奉

命往

盛京恭謁

祖陵告祭平定準噶爾啟行有作

履端親王永城

皇師已報定呼韓秩祀隆儀

命禮官萬國開疆昭捷伐

一人尊

祖仰艱難思瞻自昔

留都盛致告從今遠徼安早邁幽岐述王業

聖朝

光烈永桓桓

恭瞻

太祖高皇帝甲冑

履端親王永城

奉籩肅肅謁

陵原寺閣

先朝甲冑存闕鞏分侯難可並徒林射兕況堪論金

函髣髴思風雨玉食艱難告子孫共仰

戎衣昭法物不勝翹首涕潺湲

賜重刻淳化閣帖二部敬依

御製重摹淳化閣帖成並弄原本於淳化軒誌事

韻紀

恩敬賦

履端親王永城

尙方秘寶重鐫搨棗刻銀櫃陋昔年躋駁盡除功欲  
倍形神兼肖美真全裝成巨帙欣雙璧署有微咎愧

三才集  
卷之三  
三  
衆賢從此墨香傳海內三希一例誌瑤篇

擬劉禹錫西塞山懷古 履端親王永城

朱雀門前噪暮鴉臨春閣外半蒼葭一生詩酒娛江  
總千里關山付麗華胥井已成東逝水商船空憶後  
庭花秣陵王氣終三百從此車書又一家

盆梅

履端親王永城

常笑火攻爲下策趨炎忽訝到梅花馬塍競說偷春  
好驢背翻疑踏雪差漏洩幾會先庚嶺橫斜終是遜

林家須知冷淡由來慣甘讓金蓮頃刻誇

恭和

御製題蓮花室元韻

榮純親王永琪

青蓮千瓣捧珠樓悟徹真禪一指頭坐對嶺雲濃與  
淡試參湖水止還流牕前雨洗羣峯翠檻外松喧萬  
壑秋斗室焚香供靜契分明無著亦勾留

御賜猩猩毯恭紀

質莊親王永琰

織扇分頒



紫禁中華陽貢篋尙猩紅展來光灼艷  
氍毹席疊處霞蒸翡翠籠欣託細旃常捧

日擬裁仙簪助吟風

螭坳拜手承筐

賜赤豹文章訝許同

恭和

御製題陳容九龍圖元韻

儀親王永璇

潑墨誰能學醉翁三停九似具神通  
烟雲變幻浮臺

素鱗甲縱橫矯碧空信手拈來都欲活點睛飛去豈

同工

宸章闡出義經意妙契文言德正中

恭和

御製孟冬二十四日曲宴宗親於瀛臺惇敘殿敬依

皇考丙寅元韻用誌盛典元韻 儀親王永璇

瓊苑朝曦上繚垣良辰和會

召諸藩歡逾宵雅三篇詠敬獻無疆

萬壽躋協族螽斯先近派

發祥鳴綠溯遙源百年此

殿三番宴

仁祖憑臨

孫又

孫

惇敘更名義已明迥超崇雅俊登瀛喜當大有千倉  
積况值餘氛三省清

奉若欽承

天作

后

揚光洞照

日爲兄服膺樂善叨

諄訓陋彼分封踐土盟

小陽春候景曨曨太液輕斯暖尙融十載荷

頒宗令秩仲春

命冠翰林叢喜逢兩度瞻

宸藻恰報辰牌出鏤筒拜舞歡呼沾

厚賚鳳城歸路暢和風

薊州道中聞紅旗報至趨赴白河行宮恭賀

天喜敬賦

儀親王永璇

師騰朱鷺克期旋

展禮

橋陵

聖敬宣揚柳歌方膏雨後旌旗歸合薦櫻前馳將  
布傳郵速繫用長纓獲醜全五載

神謨勤密勿

三朝家法重籌邊

恭和

御製孟冬二十四日曲宴宗親於瀛臺惇敘殿敬依  
皇考丙寅元韻用誌盛典元韻 成親王永理

春筵已荷坐詞垣冬宴還教展近藩乍聽靈簣天上

曲先霑法釀

御前樽

推恩稽典承

先志顯世分支念

始源

聖

聖七朝隆

昊眷慶流文子復文孫

天章捧觀自承明屬和羣慚測大瀛星弁長看環  
北極雲璈正訝到西清寧誇漢建百侯國不數唐封  
三從兄忝在屏藩何以報夙興灑埽願心盟

高舉颯纒映蔥隴暄景能隨樂意融雅什共歌瀟露  
徧黼筵真見慶雲叢丙寅

舊句懸

龍翰甲子旋宮協鳳箏

孝思



仁心成盛典振振公姓沐祥風

太平門箭順治年間取江寧時澹臺都統所射

也

成親王永璫

天塹長江霧眇冥豫王夜渡北關局早驚淮鎮兵戈  
亂苦望鍾山涕淚零叔黨漫能穿甲札伯勞祇有貫  
丁寧太平門上將軍箭鐵葉於今飲赤翎

野草

成親王永璫

蕭蕭野草色連空試上秋原極目同牧馬千羣朝逐

水關門獨樹晚知風淒清大漠飛蓬斷歷亂他山燒  
火紅指點縱橫榛莽處古長城在木蘭中

春遊故事

成親王永理

上春時節上京遊春雨春風儘未休何處行雲停翠  
管幾家明月入朱樓山亭小部唐三輔蠟燭輕烟漢  
五侯燕子只知尋社壘一年一度認簾鉤

秋花

成親王永理

翛然無事步階陰小墜秋花慰藉心少分幽香回月

桂暫時寒艷映霜林山峯畫就飛鴻遠院落棋停暮  
雨深滿地綠苔渾不破小詩題罷自長吟

寒艷幽芳卽未休拏蘭攬莽亦冥搜井華細意延生  
色畫筆多方慰別愁竹塢週遭斜照冷石闌側畔夜  
霜稠山阿澗曲無人到擬策孤筇或艤舟

雨窗撥悶事如何翦草分畦手自科偏仄槎牙憐市  
擔伶俚寂歷想山阿春隨乳燕游絲去月與寒蛩落  
葉多縛取短籬申我意他時霜雪隔關河

恭和

御製孟冬二十四日曲宴宗親於瀛臺惇敘殿敬依  
皇考丙寅元韻用誌盛典元韻 定親王綿恩  
小春晴暖紫微垣

特賜華筵逮戚藩氣溢浮叟肴飴梔香凝芳釀酒盈  
樽歡生

玉辰聯公族

澤沛銀潢毓寶源

惇敘殿中邀

懋賞捧來雲錦出天孫

聖主當陽頌

德明施由親始及寰瀛藹然和氣一堂洽爛若卿雲  
六幕清稱以

壽觥仍是弟列於臣輩忝爲兄循環甲子開圖歲紀  
盛慶詩好結盟

境傳三海望蔥隴朝日初昇萬象融金鼎東西香作

箴

瑤階左右錦爲叢本支衍慶螽斯羽韶濩諧音嶰谷

簡

治定功成兼燕衍乾坤交泰協淳風

趙北口登舟作

定親王綿恩

暑齡跨馬習爲常秋爽從禽喜獵場乍覺舟乘坐春  
水宛如槎泛到銀潢穩浮暖浪勝牛背瞥見長空過  
雁行欵乃一聲遲日下始知風信動牙樯

雨後

靜明園侍直

禮親王昭樞

輭蹋沙隄曉氣涼千官待漏集長楊雲中

宮殿仙洲近柳外旌旗

御陌長青嶂插屏連樹色碧天如練浸湖光爲

觀麥隴經

文園特

召羣工

問雨暘

赤金硤山寺

睿恪親王如松

怕惹塵囂宿寺中  
晚涼遠眺思無窮  
一聲清磬山川暮  
數點飛鴉天地空  
入目風沙黃漠漠  
遮人煙樹綠濛濛  
夢回深院簾初下  
乍有蘭膏點淡紅

登平山絕頂

慎靖郡王允禧

關山萬里望中收  
策杖危岩最上頭  
畿輔西來雄鎮列  
漁陽東去大河流  
歸樵獨立看雲晚  
遊騎閑盤射



雁秋今日三邊烽燧息晚煙斜照恣夷猶

恭和

御製柳絮詩元韻

循郡王永璋

九十韶華次第巡楊花萬點遍芳津已殊縷縷黃金  
嫩恰作霏霏白雪春歷亂迎風難戀樹飄揚過雨不  
粘塵柳橋野店誰收管好胃臨歧惜別人

容與朝烟弄夕霏輕盈羽扇不勝揮化華亂溷波痕  
綠點硯微添墨瀦肥陌上尋春空漠漠樓頭望遠故

飛飛更疑仙圃瓊英綻試看霞裳作舞衣

雪中謁

北鎮廟

循郡王永璋

名山作鎮聳崔嵬

北帝端居拱

帝畿凹凸石盤堦  
半嶺陰陽松灑雪  
霏微赤髭僧熟  
青精飯黃葉聲乾  
白板扉快掃瓊  
囊供煮茗何妨  
臘  
六點征衣

恭和

御製上元前夕曲宴親藩元韻 慶郡王永璘

閨闈晨開曙色賒

恩深湛露海無涯渥承

惠澤開文宴榮列宗藩樂歲華瑞雪兆豐連繡畛和

風入律滿

皇家

上林最是春光早仙種欣嘗二月瓜

恭和

御製喜雪

十月初六日

元韻

榮郡王綰億

序入元冬近  
浹花飛六出  
正良辰  
瑤池藕向  
天厨進  
庾嶺梅看

禁樹勻瓊液  
斟來歌旣醉  
玉京望處  
喜無塵  
幸逢  
壽寓同遊  
口兆應豐登  
慶庶民

喜晴

輔國將軍博爾都

緩步園林愛晚晴  
雲開斜日襲衣清  
高天乳燕迎風

語老樹寒蟬帶濕鳴門靜塵隨車轍滅階閒苔逐屐  
痕生銜杯幽獨無餘事賴有殘花照眼明

新正七日恭和

御製新正初二日雪元韻並繪圖以

進蒙

恩賜綵箋毫筆恭賦紀

恩詩一章

宗室弘晈

雪消鵲鵲麗初晴

藻啟韶華愧和賡

天語春融宣

左个瓊箋霞綯出

西清恍慕淳化雙鉤勁那數澄心六法精展處俄看  
珠玉潤漿磈米老漫批評

韶齡

禁直列鵷鷺咸沐

恩膏渤澥寬寶墨光分研紫玉仙毫香疊握銀檀裁

詩有愧梅花燦樵帖無勞柿葉丹願矢微忱鏤心版  
欲宣楮穎罄俱難

瀛臺侍宴恭和

御製元韻

宗室塞爾赫

曉趁金風響玉珂太平景象見時和

聖心每厪三農業歲事今登九穗禾日麗東華天共  
近雲連西苑仗先過千官影裏傳呼動喜起明良繼

雅歌

萬歲山前萬綠稠海中樓閣瑞雲浮瓊蕤挹露光疑  
積瑤草生烟翠欲流玉食叨分金鼎膳恩波穩泛木  
蘭舟

御爐香裊層霄外

清蹕聞聲在上頭

滿天濃露玉娟娟繡闥雕甍瑞烟內使又看陳王  
饌諸王昨已與瓊筵

殊恩遠接



皇清之宗廟  
卷三  
三  
先皇盛

至德寧惟青史傳此際

君臣誠一體方同宴鎬紀姬年

日月宸章碧漢留諸臣載筆鮮能酬光華自見昇平  
世述作應同大有秋鳳管一聲移綵仗蝦鬚千捲上  
簾鉤承

恩不覺歸來晚刻燭還思記十洲

潞河舟中

宗室塞爾赫

樹暗芳皋玉滿川初成小憩覺安便半竿餘景穿雲  
日千里輕風下水船偶憶交遊如隔世暫驅塵事卽  
登仙年來會得逍遙意三復南華第一篇

恭和

御製二月初八日謁

陵起程駐蹕烟郊行宮作元韻

宗室良誠

雲旂芝蓋發春朝雪霽輕塵

輦路銷初日晴烘鴉背暖條風緩送雁行遙藉黃影

動

巡方轡嫩綠光生隔歲苗  
況值西陲歌底定從今甲  
冑不須敕

恭和

御製二十二日郊勞出征將軍兆惠富德及諸將士

禮成紀事元韻

宗室良誠

西來饒吹報旋軍上將功成早策勲  
日麗燕犀千匹練星流宛馬五花文  
士承

方畧能揚武

帝詣園壇爲獎勤楊柳陰濃芳草輒一聽朱鷺共春  
欣

圖畫凌烟願不違旋歸綠遍隴山薇投醪計日霑

宮醞挾纈今朝拜

賜衣萬里疆場歸

廟算五年籌策協

神機昇平報答

恩如海縱矢涓埃本細微

恭和

御製口外元韻

宗室良誠

峽束重關霽色佳

時巡沛澤與春皆輕烟欲拂平疇浪瑞雪曾培隔歲  
芽雲影淡宜隨蓋轉松根老不受沙埋塞垣風景延  
清賞緩節安行愜

睿懷

恭和

御製塞山風景元韻

宗室良誠

松濤澗響互酬吟一徑縈紆石磴陰遠勢晴添蒼隼  
健輕程秋入白雲深峯頭旗影叅差見礪底花香坎  
第尋勝槩無邊供嘯咏凭欄得句愜

宸心

平定金川詩

謹序

張廷玉

臣聞天地好生之德迭用柔剛帝王馭世之權

覃敷威惠蓋揆文教以懷遠人亦樹武功而柔  
異類食毛踐土苟自外於尊親方趾圓顙遂不  
容於覆載是以涿鹿阪泉之戰爰控威弧三苗  
九淖之師克稱義旅莫不丹青簡牒焜耀韜鈴  
自古爲昭於今尤烈洪惟我

皇上神孚軒鏡化洽虞干周六合以爲家視八荒而  
同閭碧瓘文犀之畫附尉候以來同旅契越雉  
之測踰譯鞮而奉朔蠡茲莎羅奔者種雜冉駹

界連邛笮向以率先犄角倖竊竹符敢於雄長  
諸羌侵凌戎索廩君遺孽頻滋縱目之妖醜令  
游魂漸肆磨牙之毒我

皇上咨諏將吏申畫郊圻期邊徼之又安登烝黎於  
衽席不毛隸販雖無益於畊桑窮髮稽誅亦難  
逃於斧鑕郵馳羽檄厪五夜之憂勞案積軍書  
仰

九重之經畫恭行



天伐神謀不藉於陰符於鑠

王師勝畧咸衷於

宸斷時則經畧大學士忠勇公

臣

恒忠昭日月氣壯

山河當

廟算之親承乃閫戎之專寄推轂而塵清衢路

禍牙而風捲旌麾歷險如夷峭嶸詎辭徒步誓師

不宿艱難遑恤衝寒玉帳方開立誅黨惡珣戈

未舉丕振先聲五營蟠蛇鳥之圖孽童褫魄八

陣合鶴驚之隊小醜潛蹤雨隕銅丸裂若昆陽  
之瓦烟飛鐵礮傾如鉅鹿之城我武維揚方賊  
先乎奪卡彼師其遁已膽喪於攻殲遂申帖耳  
之哀用布析骸之慘於時臣恒猶欲殲此長鯨  
封之京觀掃虎狼之窟穴絕狐鼠之攀援乃我

皇上式廓堯襟宏開湯網祇奉

慈宮之懿訓大德曰生敬宣

聖母之宏仁止戈爲武

詔傳紫綵適當就縛之辰威震雕題旋築受降之壘  
尉陀奉表服上楮爲外臣頡利請盟見大人而  
羅拜朱衣畫袴盡繫長纓武燭文鏡盛陳番樂  
革心六事誓泣血於壇壝稽首三呼乞餘生於  
几俎捧莊嚴之佛座立體投誠負緡緡於營門  
萬金爲贄龍驤旋旅遙聽凱奏三軍虎嘯韜弓  
曾未加遺一矢用是秩宗議禮太室銘勛位五  
等之崇班賜九章之命服彤弓旅矢賚自尙方

豹尾羽林錫之禁近桃關灌燧垂駿烈於鴻編  
昔嶺來庭薦聲歌於

清廟

睿製頒來黼座香生璧水文芹

奎章勒在貞珉光映橋門石鼓發皇功業繼陶姚子

姒以同符斧藻詩書合雅頌典謨而不朽

臣

趙

切論思情殷忭舞兩階贊化勇不任夫荷戈三  
捷書功事實光於執簡躬天保采薇之盛臨賡

後謳吟竊韓碑柳雅之餘詞用先鏡吹云爾

璇霄雲爛泰階平五緯森沉絳斗明地極朱鳶通屬  
國山呈丹旣達

神京毳毼歲自涅中至蓑笠人安嶺外耕豈謂一隅  
幸

聖澤日尋蠻觸事紛爭

千仞孱顏控雪山何來蠶爾伏榛菅負隅獨倚羊腸  
險營窟還憑鳥道艱蠶食此隣規弱肉鳴張頻歲燭

諸蠻

盛朝威德光神鼎能燭深林罔兩奸

懸槿度索古沉黎梗化將毋瘳疥滋聲罪定宜彰九  
伐投荒直欲竄三危青邱勁旅仁無敵丹浦雄兵事  
可師戢暴寧人勤遠馭詎容小醜弄潢池

上相西征出玉墀

六龍飛鞚馮牙旗

親頒睿畧風雲會宣布

皇威日月垂禁旅祇如行衽席先聲早已懾羌夷  
空蜀棧高無極天廐驂駟汗血時

貔貅萬隊領元戎聚米山川指掌中  
穽隕秋風搜狡穴巢傾妖鳥縛狂童

廟謨密受無遺策閫寄因收不戰功  
自是

明良賡一德丹衷炳炳協

宸衷

刺闥午夜蠟丸書鈴索丁東禁漏初雨雪中途憐甲

士芻焚諸道念軍儲銅梁阻險當天末玉几無邊逼  
歲除昕夕趨承知

聖慮憂勞無間

萬幾餘

日麗轅門淑氣回行分組練繫渠魁檻中囚獸斬生  
急釜底游魚乞命哀赦罪宏開三面網受降高築百  
尋臺朱提皮幣如山積一曲饒歌鼙鼓催

星馳露布達甘泉



黃幄纔着御講筵文德千秋繼千羽

天心萬里運璇璇

金輿先送

慈宮喜寶墨頻將

聖教宣薄海蒼生同錫福

徽音長奉太平年

亨育無心仰大鈞風霆一瞬化陽春  
勦殺籌策操全勝擒縱機宜本至仁  
六事輪忱寧遠徼萬金肖像祝

元臣勲童竇女羣歌舞須識

深宮費斟酌

櫓槍永靖慰

臨軒解甲人遊化日溫歡動六軍歌杖杜馨聞

九廟薦蘋蘩辟雍新紀

龍文麗典誥

親裁鳳藻騫謨烈重光輝汗簡明堂端拱奏雲門

兩浙望

幸詞

謹序

于敏中

兩浙士子恭聞

聖天子俯允輿情諏吉巡幸踴躍歡欣式歌且舞各

製爲兩浙望

幸賦及迎

鑒詞呈送

臣

試院

臣

評閱詩賦雖巴詞里曲於應制

體多有未嫻而書生忠愛之誠感

恩激發有流於筆墨間者藹藹乎衢歌夏諺之意也

臣因於試士之餘約其大旨謹成七言律詩十首一時山川名勝風土人情畧可見焉敬附以

上呈

睿覽宜

上德而達下情亦小臣采風之職也

聖主勤民

詔省方吉維庚午歲初長

春暉映處山川秀

慈雨飛時草木香  
花散五臺瞻佛相  
雲深中嶽占秋光  
敷天共切迎

鑾望況是東南有舊章

吳中黎庶望

鑾旗浙水聞來肯  
後期父老扶攜齊  
獻牒生徒踰濟迭  
陳詩江防一帶勞

方畧禹穴千秋重  
禮儀大吏封章勤  
入告早傳

丹詔慰葵私

喜慰雲霓自

九重嘉禾蒼赤望尤濃北來寶帶三江近南去鷺湖  
雨越衝少伯祠邊春盎盎宣公宅畔月溶溶樓開煙

榮光燭第一鰲山駕

六龍

杭州古郡本臨安絕頂吳山拱

輅鑿六井城邊都有澤一江郭外不生寒

離宮日麗星辰近

行殿春深雨露溥更上最高舒

睿賞定收佳景入

毫端

金牛佳麗擅杭州

芝蓋春旗水面浮曲院風來環玉檻湖心月出掛瓊

鉤六橋柳色迎

慈輦十錦花光傍

御舟隄畔白蘇多勝景孤山還有晚香留

飛來小嶺鬱嵯峨石徑松林景物和靈隱天香飄翠  
巘韜光金鱗漾澄波三山竺映經函字五室雲開佛  
頂螺爲有

天家甘雨渥琳宮梵室雨花多

西京才筆數枚乘賓客觀濤集廣陵漫道風雷神出  
入莫教霜雪勢奔騰海門安穩如分職河伯從容亦  
効能隔岸越山排列笏



龍舟早已到西興

千巖萬壑迓

旌旗最望明禋南鎮祠碑紀禹功來玉帛歌陳夏諺  
叶風詩探書石簣心源契祇祀青壇道法垂共說金  
川頑梗服儼同干羽格苗時

望海樓高插碧天興龍山勢獨巍然百川只是風雲  
合兩點長看日月懸修禊聲華流曲水放生功德引  
清泉若耶東剡無邊景總仰

奎文處處傳

明年春色定芬芳  
億兆歡騰愛日長  
澤遍三吳盈鳳吹  
膏凝兩浙望龍光  
共知

玉趾勤民事早祝

蘭輿出帝鄉  
介壽添籌須海上  
滿湖花柳進霞觴

皇上四旬萬壽恭紀

謹序

德保

欽惟我

皇上心正玉衡體符金鏡  
肇昌期於千載介景福於

萬年敦敏性成既登三而咸五聰明天直亦茹

古而舍今本諸

文思敷爲

孝治纂

先朝之實錄是經是程法故府之典章丕承丕顯曉

鐘鳴而起居

璇幄六膳手調春花發而扶持

金輿九旂親導若乃天工人代一日萬幾日昃不遑

豈待篇陳無逸敬勝爲吉何須拜受丹書大僚  
勤三接之文容虞詢號遠臣麗重明之照

獎璽書屏賑困賑貧寬卹下再三之詔

賜全賜半正供蠲百萬之租民隱悉達

朝廷仁慈入人家室至若誕敷

文德禮章與樂舞兼隆丕振

武功鼎勒暨鐘銘並耀訂中和之雅奏帝世雲英奉  
邊徼之捷書虞階干羽大變而神人來格七旬

而異域歸忠四海牧寧豈風行之或阻

一人惕若慮幽隱之未陳於是

華蓋雲移屬車雷動賦

盛京之壯麗謁

陵典重圖球登檜殿之堂皇

辛酉禮隆俎豆花迎洛邑行聽嵩呼春繞江南佇飛

雲瑞茲靈山之聳峙當

鳳駕之再巡正堯衢三祝之辰逢

聖人萬年之慶真枝秀彩時書八月以非遙

金屋籌添錄紀四旬而伊始爐香縹緲上連南極之

星琪樹蔥蘢遠映瑤池之色

臣

躬膺使節心觀

天顏昔年簪筆階除喜近五雲親切今日恭迎道左

欣瞻

六御來遊謹從北面之餘用獻南山之頌雖巴人曲

陋無當於鋪張而華祝情殷願摭其悃款云爾

謹繕蕪篇恭呈

御覽

紫極呼嵩動八埏歡聲共祝太平年香飄

金殿祥風繞彩映丹霄瑞日懸萬國廣開

仁壽域千秋同戴

健行天臣民歲歲三多頌抵得金泥玉檢編

瑤渚輝光炳玉衡天杯日捧萬山晴碧雲曉霽宮花

麗爽氣朝飛鳳吹清歲紀上章當午運時逢八月慶

秋成寰瀛一統車書集五夜

宵衣軫盛明

珠囊寶鏡集乾樞十五年來

祇德孚陰惜不須勤政論心齋自有敬

天圖禮成

郊廟神人享典重畊蠶瑞應符況繼

三朝功業盛光華復旦照庭衢

祖宗法守繼琳瑯欽式還增奕葉光卜世靈長周典  
冊嘉謨炳蔚漢文章百年熙洽乾符盛



四代貞元泰運昌恰好功成譜絃管樂音新訂邁虞

唐

長樂宮開瑞氣生

九重孝德莫能名蚤朝

寶幄星光燦畫侍瓊筵日色晶宮府順將

蘭殿意山川繡出綵衣情媚茲雅願舒丹悃長祝

璇闈享太平

文思今昔合齊肩

天子虛懷正渴賢  
惟攷邇英朝進講  
席開宣室夜常前  
黃綾表獻千秋鏡

丹宸箴書大寶篇  
寸壤細流皆許納  
直如青岱並洪

川

雲漢昭回日照臨  
乾坤萬象入

天心六經啟鍵文  
光耀四庫同源學  
海深獨出精融參  
造化旁搜風雅到  
山林

一人兼總師儒事  
宏振無邊木鐸音

六絃結網廣甄陶霞蔚文章集譽髦  
棧樸迺連雲漢彩茅茹彙潤曲江濤  
金因淘汰真逾見玉就磨礪價益高  
屨

詔儒臣嚴士品直教中選盡英豪

日勤三接晝方炎

奏對諸僚喜氣添摺笏競簪青鏤管  
履舄分引綠頭籤當前自具

知人哲退食真如飲水廉中外臣工關

睿慮勤勞總是爲閭閻

鳳詔蠲逋下玉墀普天羣沐

雨膏施追呼不到花村靜耕鑿多閒栢影遲鼓腹人  
遊眉是壽豐年瑞應穀爲芝

舜風翔洽培元氣比戶咸登熙皞時

問夜如何夜未央星明曉殿見

垂裳錦函啟事書盈案牙管飛香筆滿床萬里從容

歸

繼照一言了悉炳官方

聖明猶愛乘幾暇游騁圖書翰墨場

宸章揮灑不移時奎斗星河映墨池直補鴻鈞歸

藻筆還流三峽入清思遠追晨露卿雲詠不數秋風

汾水辭賡和欲探囊裏句頓令沈宋乏新詩

天聲赫濯紫雲端邊境旋休戎馬鞍

制勝已經降頡利包荒不屑繫呼韓壁雍碑建千秋

峙方畧書成萬禩看

王道蕩平如砥矢賈生何策獻

金鑾

九邊雲淨浩無涯王會俱依日月華

政教北猶連大漠與歌西不盡流沙天山瀚海收爲  
苑烏弋黃支總一家堪晒秦皇勤遠畧長城戍火簇  
鳴笳

百川疏淪出神明帶水浮春千里平砥柱波因

明德靖洪流色爲

聖人清渠穿六輔禾麻盛陂築南陽灌溉輕遙想  
翠華臨幸處榮光長傍

輦邊生

聖王重道首尊師檜影遙臨

翠羽旗直是心源符曠代非誇

盛典出明時兩楹車服昔如見三月虞絃今在茲此  
日

欽崇應莫並笑他過魯一牢祠

清蹕勤民展豫遊省方遙爲出

龍樓日邊丹鳳扶

雕輦天上晴霞絢綵旂三晉山川先動色兩河風物  
不驚秋汾雲嵩樹三千里到處層盤紫氣浮

南極星明拱

紫宸參墟再奉

屬車塵卻因禹甸勤

鸞馭親見華封祝



聖人樹影蔥龍呈瑞靄爐香縹緲引星辰

微臣願得

廣天保遙指岡陵萬樹春

清班十載侍

金除雨露分霑慶有餘

詔應承明客橐筆筵開崇政許陳書宮裘拜

賜輝縫掖豹尾隨行扈

玉輿稽首明良歌喜起目憐儒術本迂疎

三年使

命備輶軒

雲日光華咫尺存

天語慇懃端士習

臣

心冰稟凜

君恩欣逢時邁歌三晉愧乏鴻篇頌

九閭願祝昇平億萬載豐功駿德並乾坤

皇太后六旬萬壽恭紀

董邦達

珠斗當陽協氣濃

慈寧錫福頌堯封祥開

蘭殿雲書紀壽永

萱庭綺甲逢北陸迎長春  
激澹南陔集慶禮春容自  
今

鶴算如添線綵積

璇圖萬縷重

輦珩高拱鎮瑤樞

厚澤栽培啟

聖圖湛露凝時惟默運

慈雲被處更昭蘇五行坤德兼成物一氣鴻鈞助握符

日月光華難繪畫祇揚

帝力頌康衢

時巡端爲慰

慈懷南國行春

鳳輦偕玉帛萬重朝岳牧鶯花三月涉江淮懽迎里

卷

恩彌渥景綴湖山氣最佳敬識

至尊天下養六符平格邁軒階

鬱蔥山色望中添瑞獻維南

萬壽占露氣曉含仙掌迴雲光遙映佛螺尖波澄太  
液芙蓉沼苑啟宜春玳瑁檐一道虹隄橫偃月

金輿行處照星蟾

萬方送喜萃菁茅東鰈西鵲滿

帝郊霧閣氤氲珠樹合星橋匝匝玉輪交圖呈五嶽

青鸞集仗列千官彩鳳巢是處瓊筵接瑤樹琅琅

天樂奏笙匏

琅函撰日晉

隆稱歡洽寰瀛喜氣凝捧出

絲綸榮錫類傳來簪紱美同升典逢

大慶

慈恩溥事合前徽

祖武繩四十年來重紀盛

寶奩百福願時增

玉河如帶拱郊畿彩仗雙瞻

警蹕歸大地陽春開

輦道諸天花雨護巖扉百年父老迎鳩杖三命

恩榮拜翟衣望裏鳳城佳氣湧雲韶梵唄祝

慈嶽

弧南星麗慶霄開長樂華鐘曉漏催六幕和風調玉  
琯三漿甘醴酌金罍宮花侍宴

龍墀渥

天詔宜恩鷺序陪珥筆何能銘

盛遇惟瞻

壽域共春臺